

Ն.Ս.Օ.Տ.Տ. ԳԱՐԵԳԻՆ Բ
ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ
ՊԱՏԳԱՄԸ ՍՈՒՐԲ ՀԱՐՈՒԹՅԱՆ ՏՈՆԻ ԱՌԻԹՈՎ
 (20 ապրիլի 2003 թ.)

*«Հաւարով ճանաչել զնա
 եւ զգօրութիւն յարութեան նորա»:
 (Փիլիպ. Գ 10)*

Միրելի ժողովուրդ հայոց ի Հայաստան, Արցախ և ի Սփյուռս.

Քրիստոսի Հրաշափառ Հարության խնդությամբ են լեցուն հայոց եկեղեցիներն այս առավուր, և Մենք Սուրբ Էջմիածնի՝ հայոց Մայր Տաճարի 1700-ամյա Ավագ Խորանից Հայրապետական սիրով հղում ենք ձեզ «Քրիստոս յարեալ ի մեռելոց» Զարկական ողջույնը:

Կիրակնօրյա այսպիսի մի առավուր էր, երբ Երուսաղեմում Քրիստոսի մայրը և նրան ընկերակից բարեպաշտ կանայք համաձայն սովորության գնացին յուղով օծելու երեք օր առաջ գերեզմանում դրված Քրիստոսի մարմինը: Վիճափոր գերեզմանին հասնելով՝ նրանք զարմանքով տեսան, որ մուտքը փակող մեծ ժայռաքարը երբ է գլորված: Տարակուսած հոգիներին յուղաբեր կանանց հնչեց հրեշտակի ձայնը, որ ավերում էր. «Ձի՛ խնդրէք զկենդանին ընդ մեռելաւս, չէ՛ աստ, այլ յարեալ»:

Ողջունաբեր այն օրը շնորհն ու օրհնությունը նորոգեցին տիեզերքը, և փրկության հույսը դարձավ ճանապարհ: Այդ օրից ի վեր ամեն ոք, ով ունկնդիր է «**Քրիստոս յարեալ ի մեռելոց**» հրեշտակածայն ավերիսին, ով հավաքով ճանաչում է Քրիստոսին, գիտի, որ գերեզմանը սոսկ վերջն է երկրային կյանքի, բայց սկիզբը՝ հարուցյալ հավիտենական կյանքի:

Այս աշխարհից է սկսվում հավիտենական կյանքը, երբ մարդու երկրավոր ընթացքը հավաքով ու սիրով առաջնորդված է դեպի Աստված, դեպի Փրկիչ Տերը, որ մարմին առավ Աստվածային Իր Միրով և աշխարհ եկավ մեր փրկության համար, խաչի վրա մահը խորպակեց և Իր Հարությամբ մեզ կյանք պարգևեց:

«Հաւարով ճանաչել զնա» կոչում է մեզ Տիրոջ առաքյալը, որովհետև հավաքն է ճանաչելի դարձնում Քրիստոսի հարուցյալ ներկայությունը մեր կյանքում, վերափոխում մեր հոգիները, զորացնում մեզ դեպի բարին մեր ընթացքներում: Հավաքից է ծնվում մեզ Աստծո հետ կապող սերը, և սերը, որ եղբայրացնում է մարդը մարդուն, որպեսզի հարությունն ու կյանքը հաղթանակեն մեր գործերում, և մենք ունենանք խաղաղությունն ու հաշտությունը միմյանց և Աստծո հետ:

Առաքելական քարոզությամբ մեր հայրերը ճանաչեցին ու սիրեցին Փրկչին: Հավաքացին, որ Հարության հույսը և զորությունը խոստացված է նաև փոքր ածու մեր ժողովրդին, որ Փրկիչը մեզ է ուղղել Իր խոստումը, երբ ասաց Իր աշակերտներ-

րին. «Մի՛ երկնջիր, հօսր փոքրիկ, զի հաճեցաւ Հայր ձեր տալ ձեզ զարթայութիւն»։ Տիրոջ խոսքի վստահությամբ ապրեցինք, դիմագրավեցինք մեզ բաժին ընկած անհամար ցավերի, կյանքով հաղթեցինք մահվան ճանապարհներին։ Հարության պարկերը կրող մեր հոգին դրոշմվեց մեր հողին, մեր քարերին ու վանքերին, մարտաներին ու երգերին, և երբեք չդադարեց Տիրոջ փառաբանության օրհներգը մեր շուրթերին։ Արդարև, փառք և գոհություն Երկնավորին, որ փրկարար Իր Խաչով մեզ պարգևած հաղթական հոգևոր մեր գեները՝ Լուսավորչի Սուրբ հավատքը, նույն գործության նոր զարթոնքով կապում է մեզ մեր ավերյալ երկրին ու նրա սրբունման կանգնած Սրբություն Սրբոց Միածնաւեջ Տաճարին։

Սիրելի ժողովուրդ հայոց, խաչելության մեր երկար ճանապարհներն ավարտվել են Հարության առավոտով, և Հարության հույսի նոր լուսաբաց է ազատ մեր Հայրենիքում ու ազգային կյանքում։ Զարկական այս առավոտ, երբ երկինք նայելով բացված ենք տեսնում Աստուծո ղոռնության դռները մեր առջև, հարուցյալ կյանքի նոր հրավեր է հնչում մեզ՝ հավատով գորացնելու մեր անհատական կյանքը և վերակառուցելու հավաքական մեր կյանքը։ Դժվարություններ ունենք, պիտի ունենանք նաև դրանք հաղթահարելու ուժն ու գործությունը։ Նայենք խաչքար դարձած մեր ժայռերին, երկնահայաց գմբեթներին հայոց եկեղեցիների, և նրանք պիտի խոսեն մեզ մեր հայրերի շուրթերով, պիտի խոսեն ու պարգաւմեն միասնական լինել Հայրենիքի ազատության սիրտ և Սուրբ Խաչի ամենագոր թևերի ներքո, և մեր միաբանությունը պիտի լինի մեր գործությունը։ Անկախացյալ Հայաստանն ու Արցախն այսօր ամենից առավել խաղաղության կարիքն ունեն, կարիքն ունեն մեր նվիրումի ու անձնուրաց ջանքերի։ Մեր տունը, մեր գյուղն ու քաղաքը, մեր եկեղեցիները մեր հողի վրա բարձրացնենք ոչ միայն հայրենի լեռներից բերված քարերով, այլև մեր սրբերի մեջ բնակվող Աստուծո սիրով, մեր հայրերի ավանդից ու մեր պարմությունից առած ներշնչանքով։ Մեր ափերի մեջ պիտի գորանա մեր Հայրենին ու դառնա երկիրը իրականացած մեր հույսերի։ Ամեն բարի լույսի հետ օրհներբ սկիզբ առնող ամեն օրը ազատ մեր կյանքի, օրհներբ հավատով ու հավատարմությամբ և մեր զարթոյալ հոգու վստահությամբ կառուցենք հայոց բարօր ներկան ու գալիքի տեսիլքը, որ լույս է առնում Լուսավորչի անմար Կանթեղից։

Հայրենի երկրից գաղթած և հեռավոր երկրում ծնված սիրելի հայորդի, Իջման Սուրբ Մեղանի առջև Հայրապետիս աղոթքն ու մաղթանքն է, որ Փրկչի Հրաշափառ Հարության լույսը հարություն բերի քրիստոնյա հավատքիդ և նորոգի հայ մնալու ուխտդ։ Պահիր հավատարմությունդ Առաքելական մեր Սուրբ Եկեղեցուն, ավանդդ սրբորեն պահպանիր ու փոխանցիր քո զավակներին և մի մոռացիր հայրենի հողիդ մի անկյունում վերադարձիդ սպասող պապերիդ շիրիմները։

Ուր որ ապրենք, սիրելի ժողովուրդ հայոց, Հայրենիքում, թե նրանից հեռու, թող մեր հոգին ծաղկի Արարարի զավակները լինելու հայրենասիրությամբ, Փրկչի հաղթանակած սիրտ գործությամբ, և մեր հայրերի Աստված պիտի առաջնորդի մեզ նոր հաղթանակների։ Ուխտենք հավատարմիմ զավակները մնալ Սուրբ Էջմիածնի Մյուռնի, որով մեր ճակատին ունենք Հարության կնիքը և որդեգիրներն ենք

Քրիստոսի, ու մեր ճանապարհին է «Հաւարով ճանաչել զնա եւ զգորութիւն յարութեան նորա»:

Սուրբ Հարության հրաշալի ավերիստով Ամենայն Հայոց Մայր Աթոռից եղբայրական Մեր ողջույնն ենք հղում մեր Եկեղեցու Նվիրապետական Աթոռների Գահակալներին՝ Մեծի Տանն Կիլիկիոյ Ն.Ս.Օ.Տ.Տ. Արամ Ա Կաթողիկոսին, Երուսաղեմի հայոց Պարրիարք Ամենապատիւ Ս. Թորգոմ արքեպիսկոպոս Մանուկյանին, Կոստանդնուպոլսի հայոց Պարրիարք Ամենապատիւ Ս. Մեսրոպ արքեպիսկոպոս Մուրաֆյանին: Աղոթք ենք բարձրացնում առ Տերը Հարուցյալ, որ անսասան պահի Առաքելական մեր Սուրբ Եկեղեցին Նվիրապետական իր Աթոռներով, աստվածային շնորհի մեջ պահպանի ուխտապահ ողջ հոգևոր դասն ու սիրեցյալ հավաքավոր համայն մեր ժողովրդին:

Հայրապետական Մեր ողջույնն ու օրհնությունն ենք բերում հայոց պետական ավագանուն՝ գլխավորությամբ Հայաստանի Հանրապետության Նախագահ Տիար Ռոբերտ Քոչարյանի, Արցախի ինքնորոշման իրավունքի ճանաչման մաղթանքով՝ Լեռնային Ղարաբաղի Հանրապետության Նախագահ Տիար Արկադի Ղուկասյանին և Արցախի արդար դատի հաղթանակի համար բոլոր ջանացողներին:

Ավերավոր այս առավոտի բերկրանքով ողջունում և օրհնում ենք Հայաստանում հավաքարմագրված դիվանագիտական առաքելությունների ներկայացուցիչներին:

Միքելի բարեպաշտ ժողովուրդ, Քրիստոսի Հրաշափառ Հարության լույս խորհրդի առջև աղոթենք միասնաբար և հայցենք. Տեր, Դու, որ Արեգակն ես Արդարության և Իշխանը Խաղաղության, Քո Հարության ամենակեցույց գործությամբ իջիր մարդկանց հոգիներին, պարզևիր սկիտիանք վշտացյալներին, փրկման ենք խնդրում, սգացողներին՝ մխիթարություն, միմյանցից բաժանվածներին՝ միություն և սեր, փորձություններից երկյուղածներին՝ քաջալերություն ու արիություն:

Խաղաղության Քո ողջույնը փարածիր աշխարհին համայն, հաղկապես՝ Երկիր մոլորակի՝ մեր ընդհանուր փան այն շրջաններում, ուր վտանգված է խաղաղ ու ապահով կյանքը, սասանված՝ վաղվա օրվա հանդեպ մարդկանց հավաքը: Թող Հարության հույսը, շնորհն ու օրհնությունը լինեն մեզ հետ և աշխարհի՝ այսօր և հավիտեանս. ամեն:

Քրիստոս յարեալ ի մեռելոց

Օրհնեալ է Յարութիւնը Քրիստոսի